

# Newtbec

NEW WAY OF BEING CHURCH

Hari Minggu Biasa ke-4

## HARAPAN: PERCAYA, HIDUP DAN MEMBERI

### TEMA BULANAN: SABDA TELAH MENJADI DAGING

# BETAPA SERIUSNIYA

# SAYA?



**B**acaan pertama dari Kitab Musa memberitahu orang Israel mengutus seorang nabi yang akan mengatakan apa yang Tuhan telah "masukkan ke dalam mulutnya". Mereka yang tidak mendengarkan firman Tuhan, seperti yang diucapkan melalui nabi, akan bertanggung jawab kepada Allah. Nabi yang mengaku berbicara dalam nama Allah akan tetapi mengatakan walaupun satu perkataan yang tidak diperintahkan oleh Allah atau yang berbicara atas nama tuhan-tuhan lain, akan mati. Pada dasarnya, Allah mengingatkan umatNya bahawa Dia sangat serius terhadap apa yang Dia katakan dan Dia mengharapkan umatNya akan untuk mendengarkan, dan mematuhi apa yang Dia katakan. Sesiapa yang memandang Allah atau memperlakukan firmanNya secara sembrono akan menghadapi akibatnya.

### AYAT KITAB SUCI MINGGU INI:

Jikalau kamu mengasihi Aku, kamu akan menuruti segala perintahKu.

(Yohanes 14: 15)

Yesus datang ke dunia dengan penuh kuasa sehingga roh-roh yang tidak bersih mematuhiNya. Roh yang tidak bersih, yang merasuki lelaki itu dan mengaku: "Aku tahu siapa Engkau: Yang Kudus dari Allah" dihalang segera oleh Yesus untuk berbicara lebih lanjut: "Diam! Keluarlah dari padanya!" Yesus menjelaskan bahawa Dia tidak datang ke dunia untuk mengucapkan kata-kata sembrono atau melakukan apa sahaja yang Dia kehendaki. NiatNya serius, iaitu untuk melaksanakan sepenuhnya kehendak BapaNya di surga. Kerana kuasa Yesus berasal dari Bapa dan tidak berdasarkan status, kekayaan atau kelayakan akademik yang tinggi. Bagi masyarakat amnya, inilah yang membezakanNya dengan guru-guru agama lain pada masa itu.

Iman adalah perkara yang serius dan tidak boleh diperlakukan secara sembrono. Inilah sebabnya mengapa Paulus, dalam suratnya kepada umat di Korintus, mengemukakan satu cadangan agar mereka yang belum berkahwin terus kekal sedemikian agar mereka dapat memberikan "perhatian yang tidak berbelah bagi kepada Tuhan". Di sini, bukan persoalan mengenai keadaan kehidupan - tidak berkahwin atau berkahwin - yang lebih baik atau lebih berkenan kepada Tuhan. Sebaliknya, ianya mengenai "**betapa seriusnya saya mengambil hubungan saya dengan Allah dan mematuhi firmanNya**". Ini adalah soalan yang diajukan kepada kita semua tanpa mengira keadaan hidup kita - bujang, berkahwin, berkahwin tetapi kembali bujang lagi, kepaderian atau religius.

Sekiranya anda telah memperlakukan hubungan anda dengan Allah dan firmanNya dalam cara yang sembrono, maka anda harus mendengarkan firman Allah seperti yang diucapkan melalui pemazmur: "*Jika hari ini kamu mendengarkan suaranya! Janganlah tegarkan hatimu*". Ini adalah panggilan untuk bertobat dan melakukan apa sahaja yang perlu untuk mengubah cara anda. Inilah masanya untuk memandang serius iman anda.✦